

Ráddehusa ovdanbuktojummi riikkabeivviide

OV DANBUKTOJUMI VÁLDOSISDOALLU

Ovdanbuktojumis evttohuvo rievdadit muhtin luonddusuodjalanguovlluid vuoddeamis stáhtaeatnamiidda addojuvvon lága, muhtin odđa luonddusuodjalanguovlluid vuoddeamis stáhtaeatnamiidda addojuvvon lága ja muhtin stáhta eaiggáduššan guovlluid hábmemis álbmotmeahccin ja luonddumeahccin addojuvvon lága sihke oktiibuot 18 lága, main leat vuodduvvon álbmotmeahcit, luonddumeahcit ja eará luonddusuodjalanguovllut jagi 1923 luonddusuodjalanlága vuodul.

Ovdanbuktojummi ollahuhtá oaiveministtar Sanna Marina ráddehusprográmma ulbmila bissehit luonddu mánggahápmásašvuoda hedjoneami Suomas. Ulbmila ollahuvvama vugiide gullá luonddusuodjaleami lálkaásaheami odasteapmi. Ráddehusa ovdanbuktojumis riikkabeivviide luonddusuodjalanláhkan ja muhtin dasa gullelaš lágaid rievdadeami várás 76/2022 evttohuvo jagi 1996 addojuvvon luonddusuodjalanlága vuodul lágain vuodduvvon 13 álbmotmeahci ráfáiduhttinnjuolggadusaid áigeovuodilastimis odđa luonddusuodjalanlága miel dásažžan. Dán ovdanbuktojummi ulbmilin lea oččodit maid ovdal jagi 1996 luonddusuodjalanlága vuodduvvon vuodduvvon luonddusuodjalanguovlluid ráfáiduhttinnjuolggadusaid ovttalágáin odđa luonddusuodjalanlágain ja oččodit ráfáiduhttinnjuolggadusaid lága dássái.

Ovdanbuktojummi mielde gažaldagáin, mat gusket ráfáiduhttinnjuolggadusaid ovttaskas olbmo rivttiid, mearriduvvole Suoma vuodolága 80 § 1 moméantta mielde lágain. Guvllolaš sierranjuolggadusat, mat gusket earenoamážit sápmelaččaid eamiálbmotrivttiid, báikki olbmuid rivttiid sihke bealuštanfámuid, čakaduvvojit váldoáššis lálkaásaheapmái áigeovuodilastimiin. Dasa lassin sápmelaččaid ruovttuguovllus sihkkarastojuvvole sámi kultuvrra bajásdoallama ja gárgéheami eavttut girjemiiguin, mat čakallojuvvojit ráfáiduhttinnjuolggadusaide. Ovdanbuktojummi ulbmilin ii leat earáhuhttit dálás luonddusuodjalanguovlluid ráddjemiid iige dahkat fuopmášahtti nupástusaid gustojeaddji ráfáiduhttinnjuolggadusaide.

Láгат leat dárkkuhuvvon boahit gustojeaddjin ovttáigásaččat luonddusuodjalanlágain (XX/XX).

ÁKKASTALLAN

Resolušuvdna

Ovddabealde ovdanbuktojumi vuodul addojuvvo riikkabeivviid dohkkeheami várás
čuovvovaš láhkaevttohus:

Láhka

muhtin luonddusuodjalanguovlluid vuodđudeamis stáhtaeatnamiidda addojuvvon lága rievdadeamis

Riikkabeivviid mearrádusa mielde
gomihuvvojit muhtin luonddusuodjalanguovlluid vuodđudeamis stáhtaeatnamiidda
addojuvvon lága (83/1938) 12 § 2 momeanta ja 14–18 §:t,
rievdaduvvo 1 § sihke
lasihuvvojit 4 a ja 4 b §:t čuovvovaččat:

1 §

Dakkár luonddusuodjaleami áigái oažžuma várás, mas mearriduvvo jagi 1923
luonddusuodjalanlágas (71/1923), vuodđuduvvojit Mallá ja Pisavaara luonddumeahcit.

4 a §

Mallá ja Pisavaara luonddumehciin gildojuvvon doaimmain mearriduvvo
luonddusuodjalanlága (/) 49 §:s ja ráfáiduhtinnjuolggadusa spiehkastagain namuhuvvon lága
50 § 1 momeantta 1–3, 6–9 ja 11 čuoggáin sihke 2–5 momeanttain ja 51 §:s. Namuhuvvon lága
50 § 1 momeantta 6 čuoggás namuhuvvon boazodoallu ferte ordnejuvvot dađi lági mielde, ahte
guovllu luondduárvvut eai šatta vára vuollái.

Luonddusuodjalanlága 50 § 5 momeantta mearrideami mielde Mallá luonddumeahcis oažžu
boazodoallu gáržžiduvvot guovllu luondduárvvuid dorvvasteami várás ja dán ulbmilis hukset
boazoáiddiid.

Dasa lassin, mii luonddusuodjalanlága 50 § 1 momeantta 6 čuoggás mearriduvvo, Pisavaara
luonddumeahcis oažžu hukset boazodoalu gáibidan stobuid, boazoáiddiid ja eará huksehusaid,
váldit boazodollui dárbbaslaš muoraid sihke gaskaboddasaččat gohttet ja cahkkehit sajušdola
boazobarggu olis.

4 b §

Johtima gáržžideamis, luonddusuodjalanguovllu dikšun- ja geavahanplánas,
ortnetnjuolggadusas stáhta luonddusuodjalanguovllus, luonddusuodjalanguovllu rájiid
mearrideamis ja merkemis, guovllu laktimis stáhta luonddusuodjalanguovlui sihke
hálduiváldinrievttis doahttaluvvo, mii luonddusuodjalanlága 56–60 ja 135 §:s mearriduvvo.

Dát láhka boahtá vuoibmái mánu beaivve 20 .

2.

Láhka

muhtin ođđa luonddusuodjalanguovlluid vuodđudeamis stáhtaeatnamiidda addojuvvon lága rievdadeamis

Riikkabeivviid mearrádusa mielde
gomihuvvojit muhtin ođđa luonddusuodjalanguovlluid vuodđudeamis stáhtaeatnamiidda addojuvvon lága (634/1956) 21 § 2 momeanta ja 23–27 §:t,
rievdaduvvo 1 § 1 momeantta álggahuscealkka, A čuoggá bajilčálus ja 4 čuokkis sihke
lasihuvvojit 21 a–21 e §:t čuovvovaččat:

1 §

Dakkár luonddusuodjaleami áigái oažžuma várás, mas mearriduvvo jagi 1923 luonddusuodjalanlágas (71/1923), vuodđuduvvojit čuovvovaš stáhta guovllut luonddusuodjalanguovllun:

A. Luonddumeahccin:

B. Álbmotmeahccin:

4) Pyhähäkki guovlu alue Saarijärvi gielddas Pyhä-Häkki álbmotmeahccin;

21 a §

Vaskijärvi, Vesijako, Sinivuori, Häädetkeidas, Salamanperä, Ulvinsalo, Paljakka, Runkausa, Maltio, Soabbada ja Geavu luonddumehciin gildojuvvon doaimmain mearriduvvo luonddusuodjalanlága (/) 49 §:s ja ráfáiduhittinnjuolggadusaid spiehkastagain namuhuvvon lága 50 § 1 momeantta 1–3, 6–9 ja 11 čuoggáin sihke 2–5 momeanttain ja 51 §:s.

Dan easttekeahttä, mii luonddusuodjalanlága 49 § 1 momeantta 1 čuoggás mearriduvvo, Geavu ja Soabbada luonddumehciin báikkálaš sámi servoša osolaččat ožžot hukset luondduealáhusaiguin bargama várás dárbbášlaš gámmiid.

Dan easttekeahttä, mii luonddusuodjalanlága 49 § 1 momeantta 5 čuoggás mearriduvvo, Geavu luonddumeahcis báikkálaš sámi servoša osolaččaide ja daidda, geaid ruovttugieldda guovllus suodjalanguovlu lea, vuoigatvuohta gárdut rievssahiid.

Luonddusuodjalanlága 50 § 1 momeantta 4 čuoggá mielde murjjiid ja guobbariid čoaggin lea lobálaš Runkausa, Maltio, Soabbada ja Geavu luonddumehciin báikkálaš sámi servoša osolaččaide ja daidda, geaid ruovttugieldda guovllus suodjalanguovlu lea.

Geavu luonddumeahcis lea lobálaš luonddusuodjalanlága 50 § 1 momeantta 5 čuoggá mielde guollebivdu báikkálaš sámi servoša osolaččaide ja daidda, geaid ruovttugieldda guovllus suodjalanguovlu lea.

Soabbatjávrris, mii lea Soabbada luonddumeahcis, lea lobálaš luonddusuodjalanlága 50 § 1 momeantta 5 čuoggá mielde guollebivdu ja earánai guollebivdu luonddusuodjalanlága 51 § 1 momeantta 4 čuoggá mielde.

Dasa lassin, mii luonddusuodjalanlága 50 § 1 momeantta 6 čuoggás mearriduvvo, luonddumeahccin, mat leat boazodoalloguovllus, oažžu hukset boazodoalu gáibidan stobuid, boazoáiddiid ja eará huksehusaid, váldit boazodoalu várás dárbbášlaš muora sihke gaskaboddasaččat gohttet ja cahkkehit sajušdola boazodoalu olis.

Luonddusuodjalanlága 51 § 1 momeantta 3 čuoggás dárkkuhuvvon fuodđušlájaid oktagasa jávkadeapmái lea boazodoalloguovllus dasa lassin vuoigatvuohta luonddumeahci bálgoasa

osolaččain ja Suoma fuođđoguovddáža dán dárkkuhusa várás sierra nammaduvvon olbmui ruovttugielddas sorjákeahtá.

21 b §

Liesjärvi, Linnansaari, Petkeljärvi, Pyhä-Häkki, Rokua, Oulanka ja Leammi álbmotmehciin gildojuvvon doaimmain mearriduvvo luonddusuodjalanlága (/) 49 §:s ja ráfáiduhttinnjuolggadusaid spiehkastagain namuhuvvon lága 50 ja 51 §:s.

Dan easttekeahtá, mii luonddusuodjalanlága 49 § 1 momeantta 1 čuoggás mearriduvvo, Leammi álbmotmeahcis báikkálaš sámi servoša osolaččat ožžot hukset luondduealáhusaiguin bargama várás dárbbášlaš gámmiid.

Dan easttekeahtá, mii luonddusuodjalanlága 49 § 1 momeantta 5 čuoggás mearriduvvo, Leammi álbmotmeahcis báikkálaš sámi servoša osolaččain lea riekti bivdit meahcebivdolága mielde eará fuođdošlájaid go albasiid ja geatkki. Seamma riekti lea iežaset ruovttugielddas dain, geaid ruovttugieldda viidodagas álbmotmeahcci lea.

Dan easttekeahtá, mii luonddusuodjalanlága 49 § 1 momeantta 5 čuoggás mearriduvvo, Oulanka álbmotmeahcis dain, geaid ruovttugielddas álbmotmeahcci lea, lea riekti iežaset ruovttugielddas bivdit meahcebivdolága mielde gumppe ja guovžža oba álbmotmeahci viidodagas sihke smávvafođđuid ja sarvva čuovusgárttas 1 čujuhuvvon Kitkanniemi ja áhpeoasi viidodagain. Guossáma oktasašvuovddi osolaččain lea ruovttugielddas sorjákeahtá riekti bivdit sarvva čuovusgárttas x čujuhuvvon Kitkanniemi viidodagas.

Dasa lassin, mii luonddusuodjalanlága 50 § 1 momeantta 6 čuoggás mearriduvvo, luonddumeahccin, mat leat boazodoalloguovllus, oažžu hukset boazodoalu gáibidan stobuid, boazoáiddiid ja eará huksehusaid, váldit boazodoalu várás dárbbášlaš muora sihke gaskaboddasaččat gohttet ja cahkkehit sajušdola boazodoalu olis.

Spiehkastettiin luonddusuodjalanlága 50 § 1 momeantta 6 čuoggás, Oulanka álbmotmeahcis meahcejohtolat boazobargguin bievlaeatnamis lea lobálaš dušše álbmotmeahcis fuolahusgeainnuin. Meahciráđđehus sáhtá suovvat meahcejohtolaga boazobargguin bievlaeatnamis maid eará sajes go fuolahusgeainnuin Meahciráđđehusa sierra čujuhan guovlluin.

Luonddusuodjalanlága 51 § 1 momeantta 3 čuoggás dárkkuhuvvon fuođdošlájaid oktagasa jávkadeapmái lea boazodoalloguovllus dasa lassin vuoigatvuohta luonddumeahci bálgosa osolaččain ja Suoma fuođđoguovddáža dán dárkkuhusa várás sierra nammaduvvon olbmui ruovttugielddas sorjákeahtá.

Leammi álbmotmeahcis oažžu geavahit ja doallat ortnegis Jeageloavvi ja Márten Issát roavi girdinšiljuid.

Oulanka álbmotmeahcis dat, geaid ruovttuguvlui álbmotmeahcci gullá, ožžot gohttet gaskaboddasaččat guollebivddu várás Kitkanniemi viidodagas.

21 c §

Leammi álbmotmeahcis oažžu ruvkelága mielde doidit golli almmá mášiidnavuoimmi sihke Meahciráđđehusa lobiin hukset ruvkelága 26 § 2 momeanttas dárkkuhuvvon vistti dehe huksehusa golledoidima várás. Golledoidimiin ii oaččo bidjat vára vuollái álbmotmeahci vuodđudanulbmila.

Meahciráđđehus oažžu luobahit Geavu luonddumeahcis muora ruovttuatnui giddodaga eaiggádiidda, geat rádjašuvvet luonddumeahccái sihke Leammi álbmotmeahcis giddodaga eaiggádiidda, geat leat álbmotmeahci siskobealde.

Soabbada luonddumeahci ruhtadeapmi ii leat árrun Lokka dahkualdá muddemii.

21 d §

Muhtin vuoigatvuodaid dorvvasteamis, johtima gáržžideamis, luonddusuodjalanguovllu dikšun- ja geavahanplánas, ortnetnjuolggadusas stáhta luonddusuodjalanguovllus, luonddusuodjalanguovllu rájiid mearrideamis ja merkemis, guovllu laktimis stáhta luonddusuodjalanguovlui sihke hálduiváldinrievttis doahhtaluvvo, mii luonddusuodjalanlága 55 § 3 momeanttas, 56–60 ja 135 §:s mearriduvvo.

21 e §

Oulanka álbmotmeahci dikšun- ja geavahangažaldagain Meahciráđđehusa doarjjan sáhtta ásahuvvot álbmotmeahci ráđđádallangoddi. Ráđđádallangoddi gullet eanemusat guoktenuppelohkái lahtu, geaid dego sin persovnnalaš sadjásaš lahtuid Meahciráđđehus bovde njealji jahkái háválassii. Ráđđádallangotti galgá leat birasministeriija, ealáhus-, johtolat- ja birasguovddáža, guoskevaš gielddaid ja bálgesiid, báikkálaš luonddusuodjaleami, fuođđodikšuma, orruid sihke ealáhusaid ovddasteaddji servošiid ja vánddardanorganisašuvnnaid ovddastus. Meahciráđđehus doaibmá ráđđádallangotti áššedovdilahtun.

Dát láhka boahdá vuoibmái mánu beaivve 20 .

6.

Láhka

Urho Kekkosa álbmotmeahcis addojuvvon lága rievdadeamis

Riikkabeivviid mearrádusa mielde
gomihuvvojit Urho Kekkosa álbmotmeahcis addojuvvon lága (228/1983) 3–5 §:t,
rievdaduvvo 6 § sihke
lasihuvvojit 6 a–6 d §:t čuovvovaččat:

6 §

Urho Kekkosa álbmotmeahcis gildojuvvon doaimmain mearriduvvo luonddusuodjalanlága (/) 49 §:s ja ja ráfáiduhttinnjuolggadusaid spiehkastagain namuhuvvon lága 50 ja 51 §:s.

Dan easttekeahttá, mii luonddusuodjalanlága 49 § 1 momeantta 1 čuoggás mearriduvvo, álbmotmeahcis báikkálaš sámi servoša osolaččat ožžot hukset luondduealáhusaiguin bargama várás dárbblaš gámmiid.

Dan easttekeahttá, mii luonddusuodjalanlága 49 § 1 momeantta 5 čuoggás mearriduvvo, álbmotmeahcis báikkálaš sámi servoša osolaččain lea riekti bivdit meahcebidolága mielde. Seamma riekti lea iežaset ruovttugielddas dain, geaid ruovttugieldda viidodagas álbmotmeahcci lea.

Dasa lassin, mii luonddusuodjalanlága 50 § 1 momeantta 6 čuoggás mearriduvvo, luonddumeahccin, mat leat boazodoalloguovllus, oážžu hukset boazodoalu gáibidan stobuid, boazoáiddiid ja eará huksehusaid, váldit boazodoalu várás dárbblaš muora sihke gaskaboddasaččat gohttet ja cahkkehit sajušdola boazodoalu olis.

Luonddusuodjalanlága 51 § 1 momeantta 3 čuoggás dárkkuhuvvon fuođđošlájaid oktagasa jávkadeapmái lea boazodoalloguovllus dasa lassin vuoigatvuohta luonddumeahci bálgosa osolaččain ja Suoma fuođđoguovddáža dán dárkkuhusa várás sierra nammaduvvon olbmui ruovttugielddas sorjakeahttá.

6 a §

Urho Kekkosa álbmotmeahcis oážžu ruvkelága mielde doidit golli árbevirolaš vugiid mielde almmá mášiidnavuoimmi. Golledoidimiin ii oáččo bidjat vára vuollái álbmotmeahci vuodđudanulbmila.

6 b §

Álbmotmeahcis lea lobálaš bealuštanfámuide mearriduvvon gáibidan doaibma ja dan gárgeheapmi.

6 c §

Johtima gáržžideamis, luonddusuodjalanguovllu dikšun- ja geavahanplánas, ortnetnjuolggadusas stáhta luonddusuodjalanguovllus, luonddusuodjalanguovllu rájiid mearrideamis ja merkemis, guovllu laktimis stáhta luonddusuodjalanguovlui sihke hálduiváldinrievttis doahttaluvvo, mii luonddusuodjalanlága 56–60 ja 135 §:s mearriduvvo.

6 d §

Urho Kekkosa álbmotmeahci dikšun- ja geavahangažaldagain Meahciráđđehusa veahkin doaibmá álbmotmeahci ráđđádallangoddi. Ráđđádallangoddái gullet eanemusat guoktenuppelohkái lahtu, geaid dego sin persovnnalaš sadjásaš lahtuid Meahciráđđehus bovde njealji jahkái hávállasii. Ráđđádallangottis galgá leat birasministeriija, ealáhus-, johtolat- ja

birasguovddáža, guoskevaš gielddaid ja bálgesiid, báikkálaš luonddusuodjaleami, fuođđodikšuma, orruid sihke ealáhusaid ovddasteaddji servošiid ja vánddardanorganisašuvnnaid ovddastus. Meahciráđdehus doaibmá ráđđádallangotti áššedovdilahtun.

Dát láhka bohtá vuoibmái mánu beivve 20 .

Helssegis x.x.20xx

Oaiveministtar

Sanna Marin

..ministtar Ovdanamma Goargu